

《續修四庫全書》編纂委員會編

續修四庫全書

上海古籍出版社

據復旦大學圖書館藏清道光二十一年桂叢堂刻本影印原書版
框高二〇一毫米寬二九〇毫米

長文襄公自定年譜

〔清〕長齡撰

五五七・史部・傳記類

長文襄公自定年譜四卷〔清〕長齡撰……………一

忠武公年譜一卷〔清〕楊國禎撰……………一二五

黃堯圃先生年譜二卷〔清〕江標撰……………一五七

雷塘庵主弟子記八卷〔清〕張鑑等撰……………二〇一

文忠公年譜草稿一卷〔清〕林聰彝撰……………三二九

定盦先生年譜一卷〔清〕吳昌綬撰……………三四一

曾文正公年譜十二卷〔清〕黎庶昌等撰……………三五七

左文襄公年譜十卷〔清〕羅正鈞撰……………五三九

道光辛丑年鐫

長文襄公自定年譜

桂叢堂藏板

懋亭自定年譜

長齡姓薩爾圖克字修圖號懋亭正白旗蒙古

先世居科爾沁地方

始祖 諱 哈達龜

國初隸入正藍旗

高祖 諱 阿哈圖

伯高祖 諱 阿哈尼堪往寧遠取信有功

賞騎都尉世職洊加輕車都尉

曾祖 諱 瓦爾達

卷一

祖 諱 鐵圖原任理藩院郎中

父 諱 納延泰原任 經筵講官 太子少保議

政大臣理藩院尚書鑲藍旗蒙古都統

國史有傳乾隆十二年奉

旨先前下五旗大臣官員有竭力巴結優長者特恩抬

入上三旗旗分理藩院尚書納延泰盡力年久著將

納延泰之伯曾祖阿哈尼堪親曾祖阿哈圖二支子

孫十六人抬於正白旗蒙古旗分等因欽此世遂爲

正白旗人道光八年余以督兵回疆歲事封威

勇公

晉贈三世如余官

曾祖妣那拉氏

祖妣瓜爾佳氏

妣那拉氏

妣戴氏均

晉贈一品公太夫人

乾隆二十三年戊寅

十一月十八日辰時

卷一

戴太夫人生余

是年

先官保公春秋六十五歲任 經筵講官 太

子少保議政大臣理藩院尚書鑲藍旗蒙古都

統

戴太夫人春秋四十一歲

兄勤襄公 諱 惠齡年十六歲充繙書房繙譯官

二十四年己卯二歲

是年

王師平定回部

二十五年庚辰三歲

二十六年辛巳四歲

是年

兄勤襄公補戶部筆帖式

二十七年壬午五歲

是年正月

先官保公患病蒙

遣醫診視

卷一

賞人參一觔於十六日薨

恩賞銀五百兩治喪 兄勤襄公奉

旨以部院主事用

二十八年癸未六歲

入家塾

二十九年甲申七歲

三十年乙酉八歲

三十一年丙戌九歲

是年

兄勤襄公在軍機處行走

三十二年丁亥十歲

三十三年戊子十一歲

是年

兄勤襄公補戶部主事

三十四年己丑十二歲

三十五年庚寅十三歲

誦清書

是年

卷一

四

兄勤襄公陞戶部員外郎在奏事處行走

三十六年辛卯十四歲

三十七年壬辰十五歲

是年

兄勤襄公兼公中佐領

三十八年癸巳十六歲

考入繙譯生員

三十九年甲午十七歲

是年

兄勤襄公因太監高雲從洩漏記載案內革職

在粘竿處拜唐阿上行走

四十年乙未十八歲

以筆帖式籤分工部學習在軍機處行走

是年

兄勤襄公補戶部主事尋

賞副都統銜授青海辦事大臣

四十一年丙申十九歲

承辦清字經館書成議敘

卷一

五

是年

夫人汪嘉氏來歸原任湖廣總督諡勤恪海公

明第四女時年十九歲

四十二年丁酉二十歲

六月奏調理藩院行走補授筆帖式實缺

是年

兄勤襄公以副都統銜補授伊犁領隊大臣

四十三年戊戌二十一歲

十月題署主事

是年

兄勤襄公補授工部右侍郎兼正白旗漢軍副

都統尋調吏部右侍郎

四十四年己亥二十二歲

四十五年庚子二十三歲

是年

兄勤襄公調補鑲藍旗滿洲副都統旋授塔爾

巴哈臺叅贊大臣

四十六年辛丑二十四歲

卷一

六

十月補授主事實缺

四十七年壬寅二十五歲

四十八年癸卯二十六歲

京察一等

四十九年甲辰二十七歲

五月隨誠謀英勇公阿桂出師甘肅剿洗底

店逆回肅清列爲頭等議敘七月剿滅石峰堡

賊巢首逆張阿渾大通阿渾及賊目楊填四等

悉數生擒奉

旨交部議敘八月旋京陞理藩院員外郎

五十年乙巳二十八歲

是年

兄勤襄公回京

五十一年丙午二十九歲

京察一等

是年

兄勤襄公署正藍旗滿洲都統

五十二年丁未三十歲

卷一

七

七月隨將軍嘉勇公福康安出師臺灣十月

二十八日申刻自廈門放洋二十九日抵鹿仔

港十一月初八日寅刻進兵二十一日收復斗

六門嘉義縣解圍列爲頭等議敘二十五日攻

克大里杙賊巢

賞戴花翎十二月初四日由平林子進兵十八日攻克

小半天山

是年

兄勤襄公兼管太常寺事務

五十三年戊申三十一歲

正月初四日在老衢崎地方拏獲首逆林爽文

列爲頭等議敘二月初五日在樹林山擒獲首

逆莊大田大功奏凱列爲頭等議敘五月初九

日由鹿耳門登舟十四日由廈門港登岸八月

旋京

是年

兄勤襄公署河南巡撫旋授湖北巡撫

正月初六日子桂翰生

卷一

八

五十四年己酉三十二歲

京察一等

五十五年庚戌三十三歲

承辦

萬壽慶典告成議敘

是年

兄勤襄公調山東巡撫

五十六年辛亥三十四歲

承辦清字經館書竣議敘

八月廓爾喀滋擾後藏隨將軍嘉勇公福公康

安督師勦辦

賞銀一百兩十月二十九日啟行

是年

兄勤襄公擢四川總督

命卽馳驛赴西藏作爲叅贊大臣會勦廓爾喀督理糧

運

五十七年壬子三十五歲

京察一等

卷一

九

正月二十一日抵前藏二月二十七日抵後藏

五月初六日由擦木進兵七月攻克噶勒拉堆

補木等處木城石卡及帕朗古大橋將軍嘉勇

公福公康安保安奏奉

旨長齡隨營辦理一切文案實屬奮勉著以郎中補用

欽此並

賞小刀翎管旋據廓爾喀大頭目拉特納巴都爾震懼

兵威屢差頭目赴營投誠表進方物並備象隻

馬匹樂工經將軍嘉勇公福公康安奏入得

旨受降凱旋八月二十一日自帕朗古起程九月初五

日過濟隴同至西藏辦善後事宜

是年

兄勤襄公留藏籌辦善後事宜

五十八年癸丑三十六歲

九月回京補行引

見補授理藩院郎中

是年

兄勤襄公以平定廓爾喀繪像

卷一

十

紫光閣補授山東巡撫調湖北巡撫

五十九年甲寅三十七歲

正月補授內閣侍讀學士充

玉牒館提調官

是年

兄勤襄公調安徽巡撫

六十年乙卯三十八歲

是年

兄勤襄公補授戶部左侍郎兼正黃旗滿洲副

都統仍留湖北協辦糧餉旋赴枝江宜都剿辦

教匪

嘉慶元年丙辰三十九歲

覃恩給子桂輪八品廕生

是年

兄勤襄公擒賊目張文宗等掃蕩淮灣腦賊巢

移師赴涼山剿賊加太子少保銜署工部尚書

子二等輕車都尉世職九月奏克獅子山小涼山賊卡

十一月掃蕩涼山賊巢擒賊首覃士潮等宜都

卷一

十一

枝江二縣賴以廓清又移師滋邱黃柏山剿賊

奉

上諭惠齡調度有方所辦實屬可嘉著賞給金盒一箇

大小荷包惠齡之母年老在京居住本日報到時特

傳伊弟長齡令其將惠齡此次剿賊打仗得勝情形

及朕加恩之處告知伊母俾高年聞之益深喜慰至

惠齡之母精神增健並著諭知惠齡令其專心辦賊

不必分念以示體卹優眷至意欽此旋值

戴太夫人八旬生辰

賞淑慎介社匾

二年丁巳四十歲

是年

兄勤襄公擒賊首聶傑人劉起榮解京又敗賊於曾家店又於鄭家河擒賊目陳谷保並姚裕等

賞戴雙眼花翎三月擢理藩院尙書兼鑲白旗蒙古都

統五月以首逆尙有羅其清日久未獲革去官銜世職雙眼花翎授爲領隊大臣十月敗賊於

卷一

三

小豐堽防堵嚴緊賊匪不能偷渡漢江

賞還雙眼花翎

三年戊午四十一歲

十月初一日

戴太夫人卒

是年

兄勤襄公於官山擒羅其清及逆弟其書解京四年己未四十二歲

恭辦

玉牒告成議敘

五月十八日奉

旨賞給副都統銜署理鑲黃旗滿洲副都統

二十三日補授鑲白旗蒙古副都統管理火器營事務

二十五日調補鑲白旗漢軍副都統

六月初二日奉

旨補授新設京營右翼總兵

是年

卷一

三

兄勤襄公於通江蘇壩寨擒逆匪老教師冉文偉戮之

予一等輕車都尉世職嗣以守制回旗補授兵部右侍

郎鑲藍旗蒙古副都統

五年庚申四十三歲

七月十一日奉

上諭長齡著授爲領隊大臣統領吉林黑龍江官兵前往湖北等處勦辦教匪欽此十九日自京起程八月

初五日遵

旨 在 衛 輝 等 候 後 起 官 兵 到 齊 帶 赴 大 營 初 九 日 率 領
前 進 因 接 准 河 南 巡 撫 吳 公 熊 光 奏 請 官 兵 赴
楚 之 信 卽 在 陝 州 暫 住 二 十 二 日 奉

楚之信卽在陝州暫住二十二日奉

旨長齡卽帶兵由洛陽取道楚省前赴鄖陽一路迎探
賊蹤相機截剿等因欽此二十三日起程帶兵七百
名赴楚

九月十二日具

奏由襄陽行次栗溪探知賊匪全數往西南逃竄
卽帶兵由南漳之五盤山長坪雙柏埡兼程前

卷一

十四

進拏獲由賊內逃出之民人張廷弼等訛稱賊匪四股緣白二號是大掌櫃樊人傑徐萬富管領黃白二號是兩箇四川人姓王的管領不知其名

二十一日接據陝信西鄉紫陽賊匪分竄情形
奏請由保康屬之前坪歸入房山大道由二竹馳

赴陝西紫陽勦辦二十八日行抵竹谿由西北

關垵入洵陽董家梁一帶堵截改由小路催趲

兩粵官兵疾馳行走

十月初三日洵陽赤巖坪具

奏臣於初二日未刻抵竹山之界嶺探得此股大

掌櫃是高二馬五屯聚王家坪一帶焚掠當派

官兵三路並進賊匪不知官兵突至紛據山梁

抗拒卽催令中路官兵繞上正西山梁奮勇撲

衝立斃二百餘人有北面山梁賊匪分股抄襲

後路卽派叅將海麟等率領步兵遠用大礮近

放聯環槍箭並發殲斃七八十人適左右兩路

馬隊亦已抄上山梁直往下壓乘勢追殺二十

卷一

五

餘里殲斃二百餘人。生擒一百餘名。奉

殊批欣慰覽之又奉

上諭著交部議敘所有高二馬五一股賊匪卽責成長齡帶同勝兵併力勦辦朕必立加重恩總於勇往之中又加之慎重成功欲速而又不可遺漏勉之等因

欽此

初十日瑪璊溝具

奏臣於初八日抵鮑家店探知賊匪在大坪一帶

焚掠於初九日五鼓率領官兵迎勦該匪率衆

抗拒漫山遍野臣帶兵分爲四隊各佔山梁嚴諭不許擅動相持二時之久匪衆漸有懈意卽督兵分投衝壓馬兵抄至賊後奮勇攻擊立斃一百餘人馬步並進槍礮圍剿殺斃四百餘人生擒七十餘名追殺三十餘里滾巖跌斃者不計其數奉

上諭所辦甚好連獲勝仗軍威已振殊屬可嘉賞給烏雲豹馬褂一件大小荷包一對用示獎勵長齡務將此股賊匪殲洗淨盡不留遺孽倍加奮勉尅期奏績

卷一

七

以副委任等因欽此

十四日竹山桃園具

奏臣於十二日由陳家庄葛藤埡一帶察看匪徒屯聚之區俱係深林窄徑並將道路挖斷間有不能行馬之處該匪見有官兵或分或合盡據陡坎拋擲石塊使我兵無從着力隨派吉林馬兵分爲二隊黑龍江官兵分爲三隊兩粵官兵分爲二隊共分七路臣率侍衛尼瑪善知府周季堂等分投接應繞覓小徑逐漸圍裏該匪拊

餘名奉

卷一

七

殊批欣慰覽之又奉

上諭實屬奮勇可嘉著賞給白玉喜字牌一件四喜玉搬指一箇黃辦大荷包一對小荷包二箇趁此兵威勝勢將高馬二逆殲除再當加以恩獎等因欽此

十九日東西壩具

奏臣繞出界嶺於十九日起至白河之東西壩該匪佔據險窄山梁並於樹林房屋內埋伏抗拒臣當派步兵分投迎擊另派黑龍江馬隊由旁

路繞出賊匪之後臣帶領侍衛特依順保等率

兵從山溝內抄向賊匪之前該匪分投下壓亂

石如雨我兵奮勇搶上山梁立時殺斃執旗賊

目一人賊匪七八十人餘匪退避山後我兵或

擊其前或斷其後或從中下壓槍箭並發約斃

三百餘人生擒活賊矛手七十餘名

十月二十七日奉到

諭旨湖北宜昌鎮總兵員缺著長齡調補等因欽此

十一月十五日房縣柏木坪會

卷一

大

奏臣於初十日至白土關面奉經畧額勒登保令

往竹谿原帶官兵除額勒登保調撥留防外臣

帶領馬隊三百名與明亮歸併一路十五日率

兵疾走趕至柏木坪正值該匪肆行焚掠臣與

明亮商派馬隊分爲四路由山溝蹣跚前進又

派步兵搶上山梁覓徑搜捕臣會同明亮分路

繞進數路壓擊立斃精壯矛手一百餘人生擒

吳登科等二十一名該匪俱向老林深竄復派

兵勇尋蹤追擊殺斃四五十人奉

硃批勉之欽此

二十四日東湖縣黑石坪會

奏臣於十九日至興保交界之侯家坪與倭什布

會合二十二日趕至符家坪二十三日五鼓集

兵進發山峽甚窄辰刻抵廟垭見有瞭探賊匪

扼住垭口當派兵勇迎前仰攻立斃四十餘人

我兵搶上緊向下壓追至陳家坪又有賊匪三

四百名吶喊抗拒臣同明亮孫清元率兵連進

賊匪向交戰垭奔逃正在追擊又見山垭伏賊

卷一

九

一千餘名突行衝出該處路通一線兩面石壁

極爲陡險臣等商令將官兵撤出垭口孫清元

帶兵由左進攻明亮帶兵由右進攻臣率兵從

中分兩路進擊正當各隊搶至半山該匪分投

下壓自辰至未官兵槍箭並進大礮轟擊仰攻

直上立斃一百餘人生擒任光萬楊上年等一

百五十名趕殺二十餘里搶獲鳥槍長矛大礮

旗幟驃馬甚多奉

硃批覽奏稍慰欽此

十二月初五日房縣秦口會

奏_臣於本月初三日馳抵房縣馬欄口初五日由獅子巖迎頭截勦行抵蒙古寺有瞭探馬步賊匪四百餘名見有官兵折回奔逃恐其設伏誘敵當令馬隊分爲三路各自驪覓進勦行不數里各山垓賊匪紛紛突出抗拒_臣督兵奮勇立斃一百餘人衆匪毫無退怯前後左右蜂擁衝突極爲兇悍正在相持之際明亮從賊後抄至孫清元從左山梁下壓馬隊衝擊槍箭並發立

卷一

三

斃二百餘人兵勇圍勦復斃三百餘人生擒活賊王楊張尙力花開盛楊見周等七十餘名追殺四十餘里直抵秦口截回青號黃號大股賊匪不使下竄

十七日竹谿雙竹關會

奏_臣於初七日行抵三教堂查徐添德爲著名首逆兼有高二合夥探得青號一股向泉溪行走黃號一股向柏溪行走藍號一股向火燒坪行走_臣等熟商將官兵均勻調撥十六日抵太平

關卽聞槍礮之聲料係孫清元兵勇接仗_臣等疾馳至瓦房口_臣督兵於左邊山梁仰攻明亮搶右邊山梁仰攻立斃二百餘人節次俱有賊匪埋伏接應_臣等遠用大礮轟擊復斃四百餘人該匪由西折回北竄_臣等兩路夾擊復斃四百餘人生擒王世貴等六十一名自五鼓進勦馳逐數十重山梁追殺六十餘里奉

硃批欣慰覽之又奉

上諭當此嚴冬歲暮陟歷冰雪均屬奮勇出力長齡著

卷一

三

賞給黃綬大荷包一對小荷包二箇鑲瑪瑙方盒一箇並交部議敘等因欽此

二十三日界嶺會

奏_臣與明亮緊躡高二及黃號一股賊匪二十一日申刻至陝楚交界之大花園地方帶領兵勇攀藤附葛越山下壓該匪抗拒我兵槍斃箭射刀砍矛戳立斃四百餘人追殺幾滿溝壑生擒閔理元等一百三十名奉

硃批可嘉之至又奉

上諭覽奏欣慰新正元旦又據長齡奏得勝仗疊獲喜音事機極為順利長齡係湖北總兵仍當兼顧楚境不可隨賊所向儘力跟追不妨酌量情形勦辦撲楚之賊務期廓清逃匪迅奏捷音再回駐楚省邊界以資防堵等因欽此

是年

兄勤襄公署兵部尚書復授山東巡撫

六年辛酉四十四歲

正月十二日會

卷一

三

奏元旦四鼓由竹山之保豐田家壩等處進兵初五日抵房縣由獅子巖一帶兜截羣山合沓窄不容趾雪化泥深官兵援臂攀涉分隊趕至白玉坪賊匪早佔山勢吶喊抗拒我兵奮勇立斃執旗馬賊一人步賊二百餘人遂令東三省勁旅抄上山梁再往下壓又斃一百餘人儘力追殺復斃二百餘人生擒熊壽昌等三十五名跟追四十餘里直至土地嶺合圍搜剿奉殊批如此忠勇必能成功勉之欽此

二十三日會

奏_臣等自郭家洲渡河至黃沙河四面圍攻_臣率兵由左手山梁抄擊明亮率兵由右手山梁抄擊立斃二百餘人當即鼓勵兵勇分投搜捕擒獲黃得貴等八名趕抵水坪道路平坦馬隊急先馳射約斃二百餘人生擒錢富有等十三名即由椒嶺岡一帶隨探隨剿並抽撥兵勇保護竹谿縣治

二十五日會

卷一

三

奏_臣偕明亮於二十四日行抵燕子溝我兵奮勇疾趨下壓由周家灣追至大廟殲斃二百餘人擒獲張貴等二十四名二月初一日房縣姚家坪會奏_臣馳抵房縣之化龍堰四面皆山遙望獅子巖賊匪蜂屯蟻聚我兵分爲四路槍箭齊發立斃三百餘人及至山坳_臣與明亮分爲兩翼親率仰攻衝開賊隊佔住山梁約斃二百餘人生擒朱振龍等四百八十四名槍斃偽總兵卜興昂

割獲偽先鋒魏鍾鈞首級一顆奉

上諭所辦甚好長齡著交部議敘等因欽此

十二日會

奏初二日行次八道河探得賊匪已在高尖山四出焚掠當晚抽撥官兵放哨並於山溝內令兵勇埋伏三更時賊匪膽敢撲營經放哨官兵立時擊追黎明察看各處約斃一百餘人擒獲鄭貴等二十四名隨又尋蹤跟追搜獲王世福等十七名趕至山窩續擒二百餘名復督兵繞近

卷一

雷

觀音堂天色將晚槍礮轟擊又斃四百餘人逼向西南又斃賊三百餘人生擒胡思紅等六十五名谷城襄陽等縣得以保全奉

上諭所辦甚好長齡著交部議敘等因欽此

二十五日軍馬舖會

奏臣等趕至南漳據楊柳寨首領差報賊匪攻撲危急當派侍衛雙福等帶領馬步隊進剿正在相持之際臣等督兵趕到槍斃賊目一人我兵冒雨追過六道山梁一路截戮二百餘人活擒

李貴等二十一名

三月初二日會

奏臣等從楊坪前進由大樹埡鮑子洞冒雨行抵店子埡擒獲哨探賊匪訊知徐逆等均在尹家坪水月寺一帶屯聚臣帶領官兵直撲中路明亮帶領兵勇繞前山口埋伏雨勢漸小分投競進立斃二百餘人追殺二十餘里賊影吶喊衝撲臣等親率馬隊衝擊復斃三百餘人賊夥大隊奔及山口經埋伏官兵突出立斃一百七八

卷一

雷

十人分投緊追復斃一百餘人活擒老教首黃正魁等一百八十三名

十三日房縣羊叉河會

奏臣偕明亮帶兵至復坪大坪探知賊匪尙在該處屯紮當派兵勇埋伏山坳安排槍礮令鄉勇等伴作奔逃誘匪追至伏兵齊發立斃一百餘人奉

上諭所辦俱好長齡著交部議敘並賞給鑲玉帶頭一塊嵌玉搬指一箇大荷包一對小花包一對欽此